

寶坻縣志序



書以志名以記事也志以記實爲有徵也
上古採風而記之以詩民俗土習彰彰風
化至細而稗官野史方物閭形無不備載
羣言上達天府以供史職博物志爾雅卜
西河鄭公孫僑爲志書創始迨後應劭風
俗通司馬班史書志諸編各相表著楊雄

漢以博稱每出則懷鉛携槧隨在撫拾名
物天下覲臣入猶徧尋方謠里字以資淹
洽夫風土沿革居千載下能識千載遐蹟
不出戶庭而天下之幽區奧陬奇文異帙
烺烺如覩者邦政載有職方史官備詳輿
地是志也而史係之書務博也猶詳爲貴
觀欲詳也猶要爲宜必乃有三豕度河之

重訂其書以成志志之所以爲坻存也然
而德籍於坻之梁城所世胄者雖以鄉邑
之人而未盡悉坻事故老之凋謝也風土

之易昔也民物之迥異而觀不齊也未嘗
不倦倦識之縷縷尋之如一邑之大綱疆
土爲重而生齒次之人物風俗文獻又次
之有土地則必有賦役所以供輸

朝廷者任土作貢唐虞已然如宅壤莫辨千里可同課稅歟有生齒則必有戶口所以充實封域也比屋連邑興懷庶矣如富教未臻徒言幹止何爲耶此志之所以爲坻存而坻之不能盡存夫志者有數數焉賦役名矣其昔有之原額與今減之名數不無豐嗇觀則輕任併而重任分者均輸維

何戶口名矣其摩肩之儕伍與朗列之晨
星不無軒輊矚况列戶而居者更多分役
而名名之坻者可坻註乎其一道同風者
又維何至剝船一役近加於坻坻濱海海
有河河在坻東界逶迤曲塹幾遠二百里
生民全儻於此地旱漉民多噐窳卽歲豐
僅完正賦今役剝船於縣治西將百里許

之潞河下民赴於剝適三百里遠也地遠
於漕船派於坻苦累不勝具述况終明之
世未嘗有此役名言志至此敢不備載始
末以悉民隱此志之所以貴詳也尤志之
所以紀實也今

皇上以閣臣爲天下一統志請而

命各郡縣修志以彙成大典通求厥寧也通

觀厥成也天下事任之天下一鄉事任之
治鄉與一鄉之人容民惠衆賢愷悌事也
維風砥俗士大夫事也敦倫嚮義民庶事
也不彰以衡孰範於趨不模於前孰觀於
後爲範爲觀孰有本土之人爲甚習本鄉
之事爲甚切者德坻人也言坻之事敢涉
於虛書不盡言言不盡意抑亦不敢過於

戇特舉數事而詳言之爲關桑梓重事也
諸如沿革風景形勝建置人物土產不無
昔有今無今增昔乏者殆亦因時損益約
略大義云爾遵王之道千古志之先期於
鄉邑贊俊及儒學邑宰察採故實德於公
餘聊酌所見爲一代大典昭如日星爲一
時人心存真聞見唐李吉甫彙元和郡國

志別具遠識謂爲政者執此可以治天下
豈志乘一書能盡經濟之大凡不過曰郡
國疆域在斯也孰裒益是民社本末如斯
也孰調劑是以一邑而槩一方以一方而
槩天下也治理孰先後是易云振民育德
又記云禮義爲器人情爲田千古同民之
治不外崇其本事端以故聞使民行習無

數已爾雖志書一端大道不盡於此也然
民風土俗遠察近觀而治志之道未始不
先於此今志之所以爲坻存也有不能不
詳且實者蓋如此夫

太子太傅保和殿大學士兼禮部尚書加一
級前吏戶刑三部尚書吏兵工三部左侍
郎管右侍郎事吏戶兩科都給事中浙江

典試甲辰丁未癸丑三科文武會試總裁

戊戌辛丑甲辰庚戌

廷試充讀卷官監修

玉牒纂修

實錄總裁渠梁進士邑人杜立德撰

寶坻縣志序

紀天下之事者存乎史紀一邑之事者存乎志志固博通乎史而詳史之所畧者也曷言之史告一代之成或數字寓褒譏一言代賞罰昭示來茲者不惟其文惟其意董狐之筆尚矣次而若司馬若班若楊若朱皆廣洽淹貫於參伍錯綜之中提綱揭

目使百年如一日異世若同堂故聲施卓
越夫奕襍志爲記事之書卽一方之史也
凡山川形勝閭井租庸風俗文獻以及世
運之升沉民生之休咎教化之醇漓均于
志乎是賴使徒盜名而失實襲妄而遺真
存疑而寡信則地何藉乎以志傳志亦何
足以爲地傳哉坻邑引漕河濱大海如帶

如礪爲股肱邑且幅幘三百里許生齒頗
繁奈俗朴而勁土窪而磽故財賦無幾而
名公巨卿忠孝節義未易更僕數採十五
國之風坻亦稱中土名區矣况我

興朝定鼎以來肇造顯庸生聚休息歷三十
載於茲其間之隨時立法因地制宜可不
條分縷晰以志

大一統之盛哉粵稽坻邑舊志修于明之嘉
靖時酌古準今拾遺補闕蔚乎可觀迄于
今勝國之河山如故也試問昔所稱我疆
我理者保無鞠爲茂草乎昔所稱烟火如
雲者保無晨星寥落乎昔所稱衣冠文物
者保無枝葉稍凌夷衰微乎北燕南越軌
不同途鵠皓鷗青色難埒等使膠柱鼓瑟

按圖索驥或驚乎名或流乎妄或涉乎疑
以爲山川形勝于是乎傳也閭井租庸于
是乎傳也風俗文獻于是乎傳也且世運
之升沉民生之休咎教化之醇漓無不干
是乎傳也倘所謂志是耶非耶壬子春初
象
司牧茲土譜往牒撫時事蒼狗白衣變
深桑海修志之舉其胡能已但薛子狐裘

功非兩腋每懷靡及亦既重愧于厥心未
幾而卽有各修郡縣志之

命而

內閣杜大學士坻世胄也復屬苑學師與

象

董其事顧志豈易言者哉莫爲之前雖

美不傳莫爲之後雖盛弗彰志之爲志寧
僅踵事增華云爾乎如則壞成賦矣其間

盈縮增減之不同不可不核其實者也計
口編氓矣其間凋殘昌熾之或異不可不
存其真者也不寧惟是質文異尚彼美云
遐先後盛衰感慨係之若軼事孤貞遺踪
勝地著之咏歌深人憑弔者罔不蒐羅採
輯第恐失於裨官野史之誕砮砮魚目之
淆以啓詭異之端是皆不可不傳其信者

也志豈易言者哉昔司馬太史足跡滿天

下故議論足以驚當世此無他聞見親也

蘓秦張儀傭書而偶食於路途遇有墳典

輒以墨書掌及股夜還而寫之以成天下

良書學識博也維時學師集諸儒生遠追

近述學識綦博矣且生斯長斯聞見綦親

矣相與折衷於今昔之間斟酌於是非之

際務核其實而不徒驚乎名存其真而不
容流乎妄傳其信而不使涉乎疑如是者
兩越月而編成庶幾哉山川形勝於是乎
傳矣閭井租庸于是乎傳矣風俗文獻於
是乎傳矣且世運之升沉民生之休咎教
化之醇漓無不於是傳矣所謂地以志傳
而志又以人傳者其在斯乎雖然文黛多

殘必借玉于修月時宜或漏需分石以補
天求其裁成刪定信一時而傳百世者微
大學士其誰與歸

知寶抵縣事三韓牛一象撰

寶坻縣志 目錄

卷之一

輿圖志

沿革

星野

疆域

山川

堤堰

形勝

景致

風俗

市集

所鎮

鄉村

古蹟

丘墓

卷之二

建置志

城池

縣治

學宮

坊表

里甲

橋渡

郵舖

倉庾

祠祭

漕渠

卷之三

賦役志

戶口

田賦

官田

力役

剝船

鹽課

物產

卷之四

秩官志

官制
官籍
武備
名宦

卷之五

人物志

甲科
鄉科
徵辟
旗下邑紳

歲拔恩貢
恩廕
准貢例監

武甲科
武鄉科
武額
掾格

鄉賢
孝義
貞烈

卷之六

叢紀志

寺觀

仙釋

技藝

祥異

義塚

卷之七

藝文志

御製

文

記

序


說

賦

歌

記

文廟圖



聖前宅



啓聖祠

進德齋

西
燕

堂

殿

門


戒
齋

櫺
星
門

坊

池

縣治圖



縣知


典史衙

土地祠


總舖

陰陽學


縣



主簿衙




吏
解



社學



申明亭



治